

疆
屯
遺
書

疆屯遺書

回風堂詞

慈谿馮 开君木

蝶戀花示叔申

一日新晴三日雨寒食清明只是尋常度孤
負惜花心事苦亂紅都逐東流去眼底韶
光容易誤獨抱箜篌有恨和誰訴酒醒高樓
天未暮斜陽猶在深深樹

念奴嬌落葉

哀蟬唱斷甚一宵瘦得青山如許已被荒沙
收拾了更被回波卷去玉樹歌殘銅溝夢短

寒色淹平楚。秋心滿地。夕陽紅上無數。曾
記煙景濃春。驕驄歸晚。綠徧江南路。今日西
風都不管。只有淒笳送汝。簾外天低酒邊人。
遠月黯重樓。雨秋魂冷。未昏燈一笛無語。

更漏子白蓮

葉龍龍。花帖帖。睡泥纖纖。幺蝶雲澹碧。月微
黃。淚絲彈夢涼。紅衣渺零瑤。悄可有。蹋波
人到。箏語細。酒風停。玉河秋外明。

壽樓春上海寄魏端夷

嗟春波何長。況天涯芳草極目斜陽。日日離

憂憔悴獨吟江鄉
搴蕙茝懷馨香倚酒尊高樓
蒼茫只孔雀東南浮雲西北脈脈永相望
江南好歡無央任金笳玉管觸耳鏘
洋但有哀時涕淚滿襟浪浪思故國傷年光望海
東烽煙悲涼聽一槩軍聲蕭條萬方空斷腸

浣溪沙

攜手紅闌六曲陰
略無言語只沈吟
此情不爲別來深
小小悲歡都在意
輕輕寒暖也關心
記從相見到而今

小重山

畫閣沈沈月子黃
嫁期親說與太淒涼
鈿釵絮約只尋常
籠燈坐相對沒商量
離恨總荒唐
淚巾親解與莫相忘
別君今夜下江鄉
孤篷底料理舊迴腸

鷓鴣天

惻惻輕風到鬢殘
青春憔悴百花闌
鶯啼燕語渾無賴
種得幽蘭只自看
羅帶減酒杯寬
參差吹罷倚闌干
美人環佩無消息
暮雨空江生薄寒

山花子

六曲屏山畫折枝玉臺攜手說心期除是紅
梨花上燕沒人知珠箔飄燈人去後畫樓
殘笛酒醒時夢裏朱顏渾不似自尋思
惻惻輕風透碧紗小屏殘夜月西斜照見舊
時襟上淚似桃花殢枕蘅蕪迷睡蝶隔牆
楊柳有啼鴉一夕疏窗橫燭坐忽天涯

秋波媚寄內子季則

金鋪雙掩夜迢迢無夢到屏綃一簾疏雨半
窗殘葉禁得魂銷香殘被冷人何在堅坐
總無慘故鄉刀尺他鄉燈火一樣今宵

菩薩蠻

黃蜂紫蝶閒庭院
闌干寂寞薜蘿滿
不惜卷羅幃
東風無是非
馨香懷袖裏
珍重千金意
落日碧天雲
高樓思殺人

東西日暮飛勞燕
門前烏柏陰陰見
脈脈惜芳華
橫塘雨又斜
鈿車南陌路
邂逅同心侶
欲贈繡羅襦
羅敷自有夫
繽紛佩飾誰言好
別君三歲朱顏老
打疊纓金箱
無心理故裳
熒熒雙白兔
東走還西顧
郎自不還家
長安多狹斜

華燈紅壁聞簫鼓雄龍雌鳳遙相語抱得七
絃琴無人知此心髮絲憐曲局無意調膏
沐溝水日西東君心同不同
桑根三宿渾無據春風秋月尋常度單枕不
成雙夢爲金鳳凰真成瓶落井消息年年
冷蕙草自芳菲悅君君不知

浪淘沙

風雨自年年春夢闌珊星星愁鬢欲吹殘一
夜高樓花落盡如此人閒兀自掩重關涕
泗無端更無人處一憑闌畫閣珠簾依舊是

只是荒寒

河傳

遙望塘上藕花秋花外盈盈畫樓美人似花
樓上頭篋篋隔簾生暮愁 簾底容光天樣
遠塘水滿無計量深淺倚花枝明月時相思
知君知不知

蘭陵王送厲虞卿南歸用清真韻

野煙直疏柳依依弄碧長亭路尊酒送君席
帽黃塵黯行色回頭念故國憔悴長安倦客
蘆花外秋水自生一夜愁心抵千尺 前歡

墜無迹只舊日斜陽紅上離席一聲珍重調
眠食看玉琰未醕錦車何在漫天煙草失故
驛隔形影南北心惻淚痕積歎送客天涯
如此岑寂飄零俊侶愁無極賸日暮窮巷幾
聲風笛黃昏殘雨卻又向夢裏滴

浪淘沙 泊舟之罾煙水合沓甚有遠思

賦示王伯諧柴子平

岸闊暮潮寒畫角初殘天涯光景一憑闌衰
柳昏鴉斜日裏滿目江山風緊客衣單秋
思闌珊北來鴻鴈指君看煙水荒荒天四合

何處長安

相見歡

微颺不隔庭柯動秋羅只覺碧闌干外晚涼
多一花陰轉漏聲斷夜如何自卷水精簾子
看明河

琵琶仙日暮倚秋辛閣聞隔院玉笙聲
忽觸宿感用白石自度腔韻寫之

楊柳高樓早憔悴舊日煙條雲葉離恨吹入
參差秋風正淒絕芳草外斜陽有限甚啼到

空山鵲鳩十載心期香消酒冷彈指能說
又何事泊鳳飄鸞漫孤負青春好時節空把
一襟零淚與荒階苔莢休更盼團圓鏡約恐
玉人兩鬢都雪總悔珠箔飄燈那時輕別

蝶戀花

六曲文窗閒了烏玉几金牀不覺春光好人
自飄零花自老夕陽滿地生青草無語思
君情悄悄萬水千山兀自縈懷抱夜夜夜烏
啼到曉夢中忘卻長安道

日午殘妝渾不理鬢亂釵低總爲郎憔悴生

怕楊花無避忌東風故故吹簾起
昨日清明今上巳
複帳沈沈只是春寒細多爲別來
珍重意自添蘭子熏鴛被

惻惻輕陰三月暮薄晚開簾霽色生庭樹
眼底春陽能幾許黃昏又下淒淒雨
極目行雲何處去
獨上層樓惆悵年華誤寂寞鈿車
南陌路梨花飄盡鶯無語

鷓鴣一聲春事了鏡裏容顏寂寞憐非少
生怪柳邊新月早
怱怱催送斜陽老
門掩荒苔人不到
市地殘紅歷亂難爲掃
燕子歸來

應懊惱畫梁不似當時好

山代玲瓏四犯題葉霓仙遺詞兼寄其弟琴

西

篁孔引悽桐絲流恨秋聲緜渺無際吹花彈
淚盪滴粉搓愁細沈吟酒邊心事甚華年只
成憔悴玉筍雲蘿金匳月冷寂寞舊風味

天涯杜陵兄弟念京華冠蓋飄泊非計微官
歸不得息影車塵底俊游轉眼餘蕭瑟怕低
唱淺斟都廢空雪涕斜陽外暮鴉啼起

青玉案次賀方回韻

屏山隔斷春來路只目送斜陽去逝水年光
愁裏度飄歌闌榭凝香簾戶依約無尋處

鬢絲冉冉成衰暮苦憶尊前舊詞句剗地芳
華能幾許小燈殘燼短衾單絮獨聽江南雨

蝶戀花

次天嬰韻示蕙風

畫閣愔愔春已去一寸斜陽猶挂屏山樹苦
憶翦燈深夜語梨花門巷尋常住徙倚闌
干愁日暮中酒情懷欲遣渾無處花外青山
山外霧分明不是來時路

浪淘沙
蕙風翁天春樓漫筆有記螳螂

扶草天賦一則言藤本花有日夜來香者

木天末其葉下必有一二小螳螂棲集

蕙風冬重花纖碧與葉同色若相依爲命者

天裂神劍曩寓金陵歲買是花罔或爽也

木一亦體物之微卽小可以見大

暖賦幽珍詞余笑語翫若傲王桐花句例當

難戀林云妾是夜來香卽是螳螂矣翁

夢去春是深賞是語謂天然浪淘沙佳句

香源是也聯詠足成一解

風雨黯橫塘著意悲涼殘荷身世誤鴛鴦花